

Landesbibliothek Oldenburg

Digitalisierung von Drucken

Jahrbuch für das Oldenburger Münsterland

Vechta, Oldb, 1969-

Erika Täuber: Wiehnachtstiet

urn:nbn:de:gbv:45:1-5285

Ick keekt vörut, kunn al dat Schild: „Wardenburg“ seihn, sehg Kark un Glockentorn, up de anner Siet dat Gemeendebüro. Hier harr Mudder ehr Utkaomen funnen! 1939 - as Vadder van us gaohn wör.

De Molkerei köm in Sicht, Bäcker Jürgens, Busch und Paddweg, de Strohdackhäuser. Wo een Hölsken as Breefkassen an Thun hüng, daor wör ick to Hus; wenn't ok nicks us Eegen wör.

Of Mudder woll al slaopen dee? De Siedeldöör kunn ick upklinken! Kien Licht maoken! Up de Deel kunnen wi us ok in Düstern trechfinnen. Dat Lüttkveeh rögde sick, harrn mi hört. Ick güng nao de Stuuw rin. De Böötaoben wör noch an un dree Lichter an Dannenboom, de harr se sülben maakt, mien Mudder. „Kumm, sett di hen!“ sä se un nehm miene Hand. „Och, du büst jao ganz verklaomt! Magst Du Hollunersaft, ganz heet!“ „Jao geern!“ reep ick. „Fein, dat Du noch upbüst!“ Daor lachde se so'n bätten un sä: „Heff ick doch wüßt, dat Du noch kaomen deihst! Un dat Äten steiht in Backaoben!“ Harr ick dat nich goot? Aover ick wüßt, ok Mudder dachde an de, de nich bi us sien kunnen. De Nacht wör hell un klaor! Un still - un doch, et wör Krieg!

Erika Täuber

Wiehnachtstiet

Lang is't her.

Wi Kinner kömen
ganz eenfach togang;
wi wörn vergnögt
un gaor nich maol bang!

To Wiehnachten harrn wi
dat groote Fest;
wenn wi wat krägen
wör't allerbest!

Un eenmaol:
ut samtweek Karnickelfell
kräg ick een
schlohwitten Kraogen!

Man mien Mucki,
mien Karnickel wör weg, - un ick?
Ick much nich maol
hengaohn un fraogen!

Erika Täuber



*Een Mann, de'n
Perd beslaogen
kann, de paßt em
ok dat Iesen an!*

Loof



De Blöer fallt,
so sachte daol,
so sünner Hast,
so sünner Quaol!

Wo seilt se hen?
In't Rosenbeet?
Swemmt up den See?
De See is breet!

Noch is de Harwst
so honnigsööt!
Kien Storm in Sicht,
kien kohle Fööt!

Noch is dat Weer
nich gräsig, natt!
Kien Regenschuur
pulskt in dat Fatt!

De Blöer fallt,
seilt sachte daol,
so sünner Hast,
so sünner Quaol!
